



Bank Pilihan Anda

SIARAN MEDIA

TABUNG INFAK UMRAH SURAU AL-BARAKAH MENARA KEMBAR BANK RAKYAT SASAR KUTIPAN RM600,000

KUALA LUMPUR, 19 FEBRUARI 2026 – Surau Al-Barakah Menara Kembar Bank Rakyat menyasarkan kutipan dana sebanyak **RM600,000** bagi inisiatif **Tabung Infak Umrah** untuk membantu merealisasikan harapan dan impian golongan kurang berkemampuan menjejakkan kaki ke Tanah Suci.

Inisiatif ini mendapat sokongan penuh **Bank Rakyat sebagai rakan kerjasama serta ikhlas.com, rakan rasmi AirAsia**, bagi membantu mempromosikan inisiatif ini demi mencapai objektif dan sasarannya.

Kutipan dana dilaksanakan bermula **1 Ramadan 1447H bersamaan 19 Februari 2026 melalui kod QR Tabung Infak Umrah** bagi memudahkan orang ramai untuk menyumbang secara telus dan efisien. Dana tersebut akan digunakan untuk menaja kos ibadah umrah seramai **100** orang penerima terpilih dalam kalangan golongan asnaf dan kumpulan berpendapatan rendah (B40).

Permohonan boleh dibuat menerusi borang yang boleh didapati di laman web rasmi atau di mana-mana cawangan Bank Rakyat, yang mana pemohon perlu menyertakan kisah inspirasi umrah mereka sebagai asas penilaian. Menariknya, permohonan boleh dibuat untuk diri mereka sendiri atau individu lain yang layak. Semua permohonan ini akan dinilai oleh jawatankuasa khas yang dilantik.

Selain membantu merealisasikan impian golongan yang kurang berkemampuan, usaha ini juga bertujuan menyemarakkan budaya infak, sedekah jariah dan kebajikan dalam kalangan masyarakat.

Orang ramai boleh bersama-sama menyumbang dan menyokong usaha murni ini bagi mencapai sasaran kutipan dana, seterusnya membuka peluang pahala berterusan serta memberi harapan baharu kepada mereka yang kurang bernasib baik untuk menunaikan ibadah umrah.

-TAMAT-



Imbas untuk menyumbang